

CH E 3140/714.7

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 20 1947

4



歷城縣志卷六

邑人葉承宗撰

職官志

縣令

佐貳

官績

哈佛大學漢和
圖書館珍藏印

春秋上大夫縣下大夫郡秦始置郡以監縣風俗
通曰縣玄也言當玄靜徃役也釋名又曰縣也縣
於郡矣十三州記曰縣弦也弦以貞直言民之
位不輕其誓施刑用法不曲如弦也顧名取義可
以職思其居矣歷縣於濟首三十城承流宣化爲
力似逸然手板日執單父之琴撤絃案牘實勞王
喬之鳥折齒安得優游潘花自植哉但以貞直玄

歷代縣志卷六 職官志
靜為心則召杜歌興誰謂百里非大賢之路也作

職官志

歷縣於漢後雖或理或遷邑名不易豈無飛鳧馴
雉之迹何以千百年來學宮尸祝止漢劉寵一人
豈臨以郡州厥用不彰與抑史佚之也廣詢輿論
採近世琅琅有聲施者別載宦績餘惟備列職名
於左蓋自何公瑾始

正統

歷代縣志卷六

何瑾

字子敬山西岢嵐州人舉人

沈瑀

何英

成化

賈宣

字文著河南封丘人貢士

武文

蘇學

游寬

詹鵬

弘治

高舉

字廷選河南魯山人貢士

盛璫

鄧鏞

石經

字大倫陝西澄城人貢士

劉瑞

正德

蔡宇 字天洪河南祥符人貢士

石宗泰 直隸清苑人進士

梁敏政 字人道直隸房山人進士

吳廷瓚 欽天監籍舉人

余翱 字大振直隸定遠人進士見官績

池龍 字文化涿鹿左衛人進士

吳琦 字汝器山西潞州人進士

梁世隆 字道亨山西和順人舉人

嘉靖

張偉 南京府軍左衛人舉人

朱鵬 字騰霄廣西陽朔人進士

高大經 字以仁直隸任丘人進士

張鶴 字雲卿燕山右衛人舉人

謝鎰 字萬卿直隸祁門人進士

朱徵 字晉卿河南唐縣人進士

張淑勵 字自勉山西孟縣人進士見官績

李應時 字際可山西平定州人進士

王希堯 字法仁陝西安化人進士

李從宜 字宗賢直隸長垣人進士

李齊芳 直隸成安人進士

賈仁元 字子善山西萬泉人進士見官績

覃應元 字德芳山西大同守禦所人進士

隆慶

韋以誠 字立夫直隸定興人進士

王炳衡 字欽夫直隸長洲人進士

萬曆

賀一孝 字子順河南魯山人進士陞兵部主事

靳紹謙

字受之直隸安平人進士

杜縻

字惟公直隸永年人進士行取南科給事中官至武德道副使

楊繼先

直隸定興人進士官至副使

彭應捷

字讓甫河南光山人進士官至知府

冀體

字育甫河南武安人進士有敏才官至御史以忠諫罷

張鶴鳴

字元平河南南潁川衛籍潁川人壬辰進士陞南兵部主事官至兵部尚書見宦績

陳采

字冲然直隸清苑人戊戌進士陞吏部主事官至祭政祀名宦見宦績

陳陞

字抑吾河南夏邑人辛丑進士刻滄溟集脩其墓陞戶部主事官至邊郎

黃衮

字補之河南光州人丁未進士陞戶部主事官至副使

裴鉉

字鼎和太原衛人庚戌進士陞戶部主事官至邊郎見宦績

張翼明

字滄嶙河南永城人庚戌進士陞禮部主事官至大同巡撫

黎國器

河南睢州人丙辰進士有執持善課士陞刑部主事官至憲副

天啓

吳阿衡

字隆徵河南裕州人己未進士立法嚴苛民皆震畏盜不入境蓮妖之亂一呼而集

鄉民十三萬亦其威信素著也

郭捍城

字四維直隸平鄉人壬寅進士

呂黃鍾

字初陽山西澤州人乙丑進士行取戶科給事中見任曹州兵備見宦績

崇禎

郭永泰 字大來順天大興人戊辰進士不

貴養性 字履吾河南胙城人辛未進士

韓承宣 字康侯山西蒲州人甲戌進士

宋祖法 字允繩河南新蔡人甲戌進士

佐貳

許丞廉吏重聽何妨程簿大儒黏竿斯折員尉豪

士發賑可專英雄不自振拔而顧臺隸於上官市

販於小民扁石自卑人乎何尤然賢不擇地而生

苟得其人亦宜改容而禮貌之無使人謂丞負人

人不負丞日對二松吟哦哉

縣丞

賈能 天順間任 孟瑀 天順間任 游寬 成化間任脩

曹冕 弘治間任 周玉 弘治間任 許應奎 嘉靖間任

于珠 嘉靖間任 張明賢 陝西人吏員萬曆初任陞經歷

王鳴鳳 萬曆癸巳任 吳應祥 萬曆甲午任 陳樑 萬曆戊戌任

郭四極 南直五河人選貢巳縣 盧柯 萬曆戊申間任

劉明徵 陝西人選貢庚子任陞知縣 宋需

陳尚表 關中人有才幹署商河篆

劉哲 秦強人一清不染見受賄者
則極口罵之陞關中知縣

焦三移 南直人歲貢陞知縣
杜岩 贊皇人監生萬曆戊午任

李時芳 渭南人儒士崇禎庚午任
葉春霖 仁和人陞經歷

楊穎發 秀水人周啓庠 滄州人

王儒 河南人陞陝西知縣周明 仁和人

主簿

張彪 天順間任 陳綸 天順間任 劉芳 天順間任

武學 成化間任 蘇奇 成化間任 李鐸 弘治間任

王爵 嘉靖間任 邢繼志 萬曆壬午任

陸夢博 萬曆戊戌任 白希綸 陝西人

郭俊文 太原人甚廉介有才幹脩
小清河有功陞清平知縣

顧夢珖 青陽人監生萬曆戊午任

任順天 汾陽人監生崇禎庚午任
曾本端 建寧人知印天啓甲子任

李實 懷仁人歲貢崇禎丙子任
劉正行 河南祥符人

典史

孫裔 天順間任 鮑治 弘治間任 高世洪 嘉靖間任

姚鎮遠 康希政 胡邦佐 萬曆戊戌任

俞守仁 浙江人有才幹陞主簿
王文豸 華陰人

趙萬方

三原人歷
陞守備

陳仲昇

焦永盛

長治人

鍾道賢

浙江人雖刀筆吏日不廢
書史陞任時行李蕭然

郭欽秋

江西人

田多善

陝西人

李承顯

富平人

宦績

花封琴堂郵焉而已矣金章墨綬名焉而已矣卽

轅轍尸祝襲焉而已矣所可憑者斯民三代之口

碑耳余旣詳載職名然長老傳聞官牆俎豆遺澤

如新烏可諉耶謹而志之俾前無所泯後有所則

焉若夫邑乘例不及上官然非爲首善之邑言也

列戟分符功德被矣故凡興利捍患有造於歷足

以墮峴淚而植萊栢者冠於循吏卷首至於一時

名德勲業方隆蓋未敢遽列云

名宦

周鮑叔牙

齊卿進管仲於桓公而下之天下不多管
仲而多鮑叔知人也食邑鮑山下曰鮑城

子孫世
祿於齊

管仲

桓上人相齊桓公通商積財富國強兵
尊周室攘

卷六

宦績

友聲堂

友聲堂

逢丑父

齊卿魯成公二年晉敗齊師三周華不注丑父使公下如華泉取飲而免韓厥獻丑

父卻子將戮之呼曰自今無有代其君任患者卻子赦之

漢顏異

武帝時為濟南亭長以廉直遷九卿

韓千秋

武帝時為濟南相屬擊南越戰死帝命子延年為侯

何敞

扶風平陵人和帝時為濟南王康太傅康尊貴驕甚敞輔以道義數以法度諫正之康禮

敬

劉寵

東萊牟平人桓帝時為東平陵令以仁惠為百姓所愛及代去老幼塞道留之祀名宦

北魏鹿生

濟陰乘氏人濟南太守有治稱顯祖賜以驄馬青服彰其廉潔時三齊始附民廢農

業生立制斷之聞者嗟善

韓麒麟

昌黎人孝文時為齊州刺史在官寬仁從事劉普慶說之曰無所斬戮何以示威麒麟曰不犯法何所戮乎必需斬斷

以立威當以卿應之普慶慚而退

薛聰

汾陰人宣武時為齊州刺史政存簡靜卒於州吏民追思留其所坐榻以為遺愛

拓拔子華

字伏榮孝莊時除齊州刺史先是州境數經反逆邢杲之亂人不自保子華撫

輯豪右委之管鑰眾皆感悅鞠獄訊囚務以仁恕齊人樹碑頌德

北齊房彥謙

清河東武城人廣寧王孝行辟為齊州主簿清簡守法境內肅然及周師入鄴

齊王東歸以彥謙為齊州治中從事彥謙痛本朝傾覆將糾率忠義潛謀匡輔不果而止齊亡

歸於家

隋韋藝

京兆杜陵人高祖初拜齊州刺史為政清簡士庶懷惠在職數年遷營州總管

趙軌 維陽人高祖時為齊州別駕有能名及被徵父老揮涕送之曰公清如水不敢以壺漿相

送請酌一盃水奉餞軌受而飲之

王伽 河間章武人開皇末為齊州行參軍送流囚七十餘人詣京伽哀其辛苦行及滎陽乃悉

脫其枷鎖與期曰某日當至京師因感悅如期而至一無離叛帝聞驚異召見稱善并赦流人

元褒 河南雒陽人煬帝初拜齊州刺史尋改齊郡太守吏民安之

張須陁 弘農閿鄉人大業中齊郡丞會與遼東役百姓失業又屬歲饑關倉賑給不俟詔報

唐徐彥伯 兖州瑕丘人武后時薛元超表其賢對策高第遷宗正卿出為齊州刺史

王志愔 博州聊城人 中宗時為齊州都督後授齊州刺史破碎姦猾令行禁信境內肅然

李愔 柳州澧陽人 中宗時拜齊州參軍為吏詳敏有治譽

李隨 玄宗時為濟南太守安祿山反隨與單父尉賈賁濮陽人尚衡以兵討之

五代郭瓊 盧龍人仕周齊州防禦使民饑瓊以已俸賑之人懷其惠詣闕頌德政詔許立碑

宋李漢超 雲州雲中人太祖時齊州防禦使在郡政平訟理吏民愛之詣闕求立碑頌德太祖

命徐鉉撰文賜之

趙師民 青州臨淄人仁宗時為齊州推官勤於吏治政有惠愛更天平軍節度推官

王巖叟 大名清平人哲宗時知齊州先是巖叟言河北榷鹽法尚行民受其弊至是請以所

言鹽法行之京東

范純仁 蘇州吳人哲宗時知齊州治尚寬平時有盜竊而督償者繫司理院純欲使保外輸

納通判曰此釋之復系官司往往待其疾斃純曰法不至死以情殺之豈理耶遂戒飭而釋

之囚權呼而出轉相告語是歲犯法者減半

曾鞏

建昌南豐人仁宗時知齊州曲坦周氏久惡難治鞏取寘於法章丘民聚黨為盜鞏多方

議捕盜多自首自是外戶不閉河北發民濬河齊當給夫二百鞏居其隱漏人取其一又作橋梁徙傳舍民皆以為利及代州人絕橋閉門留之至夜乘間乃得去

蘇轍

眉州眉山人王安石時以諫青苗法出掌齊州書記沉靜簡潔以文章名於時

晁補之

知齊州力於為政有羣盜晝掠塗巷補之默得其姓名一日宴客召賊曹授以方畧

酒行未竟悉擒來一府為撤警

李嘗

南昌南康人神宗時知齊州齊多盜論報無虛日嘗得劫盜刺為兵使在麾下盡知囊括

處悉發屋破柱拔其根株半歲間誅七百人法無所匿

王吉甫

同州人神宗時知齊州一於用法而廉介不回吏民畏服

張叔夜

欽宗時知濟南府山東羣盜倖至叔夜以計緩之乃取舊赦賊文俾郵卒傳至羣盜

聞果稍懈狐疑相持至暮不決叔夜發卒五千乘其惰擊之盜奔潰以功進龍圖閣直學士

金楊伯淵

真定藁城人海陵時知泰安軍百姓刻石頌德遷山東東路轉運使正隆末盜起州

郡皆罹害獨濟南賴以保全

元趙炳

世祖時濟南路總管時妖民作亂炳止罪首惡餘黨解散歲凶賑民而後以聞

胡祇適

磁州武安人至元間山東東西道提刑按察使所至抑豪右扶孤弱敦教化勵士節

民有父子兄弟相訟者必懇切論以天倫之重不獲已乃繩以法終贈禮部尚書謚文靖

趙孟頫

字子昂至元間同知濟南路總管府事時總管闕孟頫獨知府事官事清簡有元掀

兒者役于鹽場不勝艱苦逃去其父求得他人屍誣同役殺之既誣服孟頴疑其冤留弗決踰月掀兒自歸郡中稱為神明改翰林侍講學士

張昇

字伯高平州人天曆初為山東道廉訪使時方有警有司請完城以備昇曰民恃吾以生

完城是棄民也繇是民皆安之文宗賜尚醞文幣以賞其功終淮西道廉訪使卒謚文憲

王構

濟南路總管學田為牧地所侵者埋而歸之官貸民粟而責償不已構請輸以明年

于欽

青州益都人延祐六年齊地大饑父子相食欽銜命賑恤濟南六縣泊甌竈饑民嘗以勸

率富民出粟太多賑濟太廣見責于憲府時官僚有幸此凶歲捐升斗以鬻子女舉曰過房悉

輦以北欽則訪鬻子者為贖還之乃怒曰是違例微譽也

國朝安然

穎川人洪武初為山東中書省參知政事立心平正撫綏勤勞祿止養身餘給公用

後遷御史大夫

熊鼎

臨安人洪武初按察司僉事公平正直斷獄明允凡有糾劾務從大體

崔亮

洪武初知濟南府修城堞建倉庾撫綏得宜士民咸服陞禮部尚書

陳脩

廣信弋陽人洪武初知濟南府刑清政平嘗上言墾田之策上嘉納之時府治改為按察

司葺開元寺為府治民無所擾國初稱郡守之賢必曰崔陳

徐鐸

洪武間布政學術正大蒞事公平入為戶部尚書

徐安

洪武末為濟南知府精通吏事為政有方於庫藏出納之弊尤掃清無遺

馬麟

永樂初布政惠澤及人持法不撓僚屬敬畏百姓獲安

房安

永樂中參政天性剛毅蒞事敏捷人皆憚之

段民

武進人永樂間妖婦唐賽兒作亂民為布政司參政下車撫宣德意整飭紀綱撫綏殘氓

何文淵

永樂間以監察御史巡撫時豪右侵漁百姓兼軍衛多擾文淵發奸摘伏吏民畏之

劉中敷

宣德中布政天性質直廉靜樂易吏民懷畏召為戶部尚書

王質

鳳陽人正統初右布政廉勤果毅人服其公尤以清譽聞有王青菜之謠召為戶部侍郎

張驥

正統間巡撫值歲大饑設法振救民賴全活甚眾山東設巡撫自驥始

年富

懷遠人正統間巡撫廉靜寡欲過事敢為按行諸部官吏畏服奸豪屏迹召為吏部尚書

陳泰

正統間巡按克振風紀以藩臬多匪人陳疏數下言要以選賢去奸為治本陞副都御史

盛顯

正統間山東旱饑顯奉命巡撫下車禱雨即應民賴全活又建祠以祀前代聖賢有功齊魯者黜貪暴表忠良除苛政

薛瑄

平陽河津人正統間吏部尚書郭璫薦瑄以御史提學山東欣然就之曰此吾事也每臨諸生親為講解不事夏楚人呼之曰薛夫子立祠湖干以祀之

馬諒

和州人正統間參議巡行郡邑訪政得失察吏賢否時降虜安置山東者欲乘機為亂諒諭之咸服民有感於後妻欲寘子於法諒諭之曰爾子凶德乃吾教令之失非爾之罪父母感

陸瑜

浙江鄞縣人天順間布政器量偉弘曉練政體尤精法律召為刑部尚書

王宇

天順間布政時累歲不登民皆流移宇奉命安撫之設法賑濟不憚驅馳民賴全活者數

十萬人召為副都御史

郭觀

天順間巡按首劾三司正佐三四人夫貪墨決疑獄一循公法陞廣西僉事

許進

成化間巡按剛正嚴肅貪污望風解組賑恤饑荒平反獄囚官至吏部尚書

白行順

陝西清澗人成化間知濟南府緩刑興學教民耕種招撫流移賑恤窮獨陞山西參政士民遮留為之立碑

政士民遮留為之立碑

牟俸

四川巴縣人成化間巡撫值歲大饑設法周濟全活數萬人大小清河湮塞建議脩濟民

大稱便

王琮

山西陽曲人成化間濟南府同知歷三年都御史牟俸薦其賢陞知本府秩滿陞布政使

歷有德政民刻石識之

衛英

成化間濟南府同知志行高潔蒞政嚴明陞開封知府行李蕭然人服其清

原傑

弘治初巡撫有才藻多所興建士民賴之

王越

弘治初按察使慷慨明敏見事風生精練吏事深得憲體官至太子太保封威寧伯

趙璜

江西安福人弘治間知濟南府為政敦大體不事苛急有德政頌後忤逆瑾削職未幾起

用巡撫山東值流賊殘傷之後悉力拊循東方以靖官至工部尚書

楊文卿

弘治間提學造就生徒勤懇不倦秉公黜陟士心允服

于大節

弘治間按察使有丰采卒於官濟南人攀號送者塞於道

方良永

正德間廣東僉事以不謁劉瑾致仕及瑾誅起用歷陞山東右布政廉明節愛士民

感頌後陞浙江布政疏劾朱寧遂乞休嘉靖初起為山東巡撫復以老母乞終養陞刑部尚書

王守仁 弘治 典試山東

姜洪 正德間布政時流賊猖獗洪飭兵繕守民恃無恐服食淡如陞山西巡撫

黃贊 直隸儀真人正德間巡撫武廟南巡調度有方民賴不擾性耿直嘗面斥人過官僚肅然

平生以清苦自持比歸家無蓄資士論重之

孫燧 正德間按察使明習法律獨持憲體命三堂按歸善王燧毅然往不終朝具獄

王相 正德間巡按訪除民蠹摘伏如神時朱寧怙寵遂被謫逮繫

朱節 嘉靖二年巡按昔兵旱相仍礦賊竊發節躬自行軍親臨督戰一鼓擒賊山東蕩平竟以

勞卒民痛如喪父呼贈大埋鄉

應檟 嘉靖間巡撫居官持大體清慎有聲一方賴之

王廷相 萬曆初提學節義文章並著於世以正學造就士子

李遷 萬曆初濟南知府政善民安化行俗美

宋應昌 浙江仁和人萬曆間以給事中出守濟南歷陞巡撫均地畝行條編民享樂利者四

年十

平康裕 北直河間人萬曆間濟南太守有風裁庶事就理至門灘錢一事先是地方宿直皆

沿門編派舉場考試一切物料取之民間人甚苦之平公編為門灘按房多寡收錢于官以資

二食器皿毫不擾民又大佛山建文筆峯府庠泮池立太湖石至今追思不忘

鍾化民 浙江仁和人萬曆間巡按崇尚德化加意學較曩平太守康裕革火夫編為門灘置

一切器具毫不犯民間久之門灘出而索取如政公移檄有司宿直等役悉出香稅人甚德之

請香稅出而索取又如故也

鄒善

江西人萬曆間督學湖湖南書院置學田養士遍遊海右名士陶鎔其中趙司農王中丞

諸名卿俱屬品題毀淫祠為社學教童子歌詠以養性情訓人自覓其良心士人悅服

李化龍

北直大名入萬曆間督學試士五日一案寒士不羈旅邸閱文不代倩評文曲肖其人發落時掩卷逐名細加品題經識拔者皆入彀後以平播功擢兵部尚書

徐榜

南直涇縣人萬曆中知濟南府仁民愛士馭屬吏仁而且寬曰凡戴烏紗者皆朝廷官最不可侮立明湖會課士論文發身者甚多

黃克纘

福建晉江人初以觀察來歷藩臬而中丞為崇能力制之建廣川城擒白面狼置歷山書院刻鵠遊亭帖後晉大司空立祠祀之

畢懋康

南直歙人萬曆間巡鹽御史建書院於酌天泉東置學田贍士又蠲粟脩閔子墓

國大稷命有司賑濟活起者無筭而作人之功後無繼者

趙彥

陝西膚施人天啓初巡撫留心政務民隱悉知勸民象魏幾滿城市值蓮妖之變身親征之三月蕩平陞兵部尚書有生祠

呂純如

南直無錫人天啓中巡撫修城濬隍建勸農亭作冬生院修岱史與明湖大社真留心民事者不可

樊時英

浙江仁和人天啓末知濟南府御物謙和禔躬純白盡出俸錢脩學宮濬玉帶河建呂仙閣來鶴橋興明湖社陞福建提學歸里毫無長物府庠有去思碑亭

陳應元

南直江浦人崇禎初左布政值孔李之變晝夜擘畫禁兵兵數十萬餉無不辦給且擅文名山左景物皆有吟咏後陞副都巡撫登萊

景昌

號仙岩河南雒陽人崇禎己卯巡按山東監紀軍事冒危單騎兼程至歷下勸

哭而掩遺骸設醮而祭孤魂施粥徧救傷疫之民蠲金厚恤鵠結之士亦贊大脩圯廢之城也

又親征萊蕪土寇議題蠲焚劫漕糧無何建言被逮士民如失慈母保留至今思之

蔡懋德

字惟立南直貴山人己未會魁歷官江西提學寧前兵備崇禎己卯任布政司參議

推按察使力請改折天津漕糧教民鑿井引水灌田躬祭孤魂普振貧黎築城濬池買蝗恤旱

修七忠廢祠以慰英靈闡文心八則以牖多士刻當官功過格公門修行錄以醒人心今陞河南右布政使將行猶躬親禱雨蠲貲施藥

飭薛王公祠士民保留無計乃立祠祀之

涂原

號之瀾四川梁山人辛未進士崇禎己卯督學山東四月徧試六府賦性敏捷存心仁愛

較藝之暇曲加提誨兵火後文物復興皆公力云

董允茂

號豸章浙江慈谿人丁丑進士任分巡濟南道僉事維時兵燹之後將儒兵驕公嚴

核兵制整飭營規壁壘一新又攝學道篆雖考歲貢故事亦細心甄錄輿論咸孚會

廷推天津遼餉兵備僉謂公能庚辰十一月遂往任

張斗

字南乙河南溫縣人己卯任濟南府同知加意興釐不避勞怨賑饑瘞骸安民緝盜大著

功績至修城一役躬親築濬毫不擾民無何以京察降秩民甚思之今任大同監軍道

李恪

號三如山西安邑人甲戌進士任兗州府推官己卯之役會城列署皆虛上臺以公來署

府篆公修城濬池招移恤孤剪寇綏良掩胥賑餒頗著勞績俸深望重以兗州推官超陞交西

兵備按察司僉事

丘祖德

字念修四川成都人丁丑進士任濟南府推官明恕用刑庭無積案吏胥斂手嘗攝

立清軍糧馬三篆事治神間連歲監軍勦寇與士卒同甘苦大小數十戰屢著捷功愛民任事民有急必訴于公如賑士犒兵賜貧瘞骨間闢滋稻捐粟捕蝗民皆感悅又修七忠祠五龍潭府學等處辛巳五月兩臺特題陞補分巡東昌道僉事赴任之日歷下父老擁道遮留願久任會城既不得留相携泣送公來署者絡繹於道公議建碑立祠志遺愛焉

張

張卡字南心沂寧臨沂人

董

董余字南心沂寧臨沂人

董

董余字南心沂寧臨沂人

靖難死節

鐵鉉

河南鄧州人建文中布政司叅議靖難師圍濟南鉉悉力拒守勢迫詐降為鐵板於門上

迎燕邸入板下擊燕邸馬驚遂去三月圍解陞左布政兵部尚書事定不屈族誅祀七忠祠

平安

洪武末都指揮使靖難師圍濟南安同鐵鉉為城守計有攻破者以布盡假城障於外督

兵築於內一日而畢三月圍解安率兵追至東昌大戰梁矢及馬蹄而止京師定乃自經死祀

七忠祠萬曆間黃中丞革去

胡子昭

嘉定人少從方孝孺學性忠介富經術革除間繇史官遷山東按察僉事遇靖難不

屈死

高巍

遼州人初授前軍都督府斷事靖難師起從李景隆出師叅謀軍務累上事請罷兵歸國

高 不報戰敗南奔遇鐵鉉於臨邑遂協謀
固守濟南京師已定乃縊死祀七忠祠
陳迪 宣城人布政司右參議捕蝗彌盜民甚德之
後陞禮部尚書靖難師起上疏陳論大義被
詔責問不屈而死祀七忠祠

遼叛死節

徐從治 浙江海鹽人初為濟南知府後治兵武德
孔李之亂公以巡撫固守萊城持正死守

飛炮中顛而
卒祀於學宮

死節

張秉文 南直桐城人庚戌進士崇禎
丙子任左布政已卯死遼難
乾隆十年勅建忠

周之訓 湖廣黃州人己未進士崇禎
寅分巡濟南守南城城陷而死

鄧謙 湖廣孝感人戊辰進士崇禎
戊寅攝守巡二道
以守城

濬池一切防備多費拮据招募忠義
獨守西城日夜俾頭城陷回司率眾

死於
司前

馮鎰 益都人署都指揮守
西北城城陷遇害

唐世熊 人崇禎戊寅任鹽運使守西北城已
卯城陷或問計公曰此乃我輩死所也無

死之

苟好善 陝西醴泉人辛未進士以南御史出知濟
南府事戊寅守北城城陷不屈死

陳虞胤 雲南昆明人乙亥進士司知濟南府事戊寅
守東北城時
不見賞及責之獨

公處頗有
城陷赴火死

高不報戰敗南奔遇鐵鉉於臨邑遂協謀
固守濟南京師已定乃縊死祀七忠祠
陳迪宣城人布政司右參議捕蝗彌盜民甚德之
後陸禮部尚書靖難師起上疏陳論大義被
詔責問不屈而死祀七忠祠

遼叛死節

徐從治浙江海鹽人初為濟南知府後治兵武德
孔李之亂公以巡撫固守萊城持正死守

飛炮中顛而
卒祀於學宮

死節

張秉文南直桐城人庚戌進士崇禎
丙子任左布政已卯死遼難
乾隆十年勅建忠
死祠

周之訓湖廣黃州人己未進士崇禎戊
寅分巡濟南守南城城陷而死

鄧謙湖廣孝感人戊辰進士崇禎丙子
戊寅攝守巡二道
以守城
濟池一切防備多費拮据招募忠義
獨守西城日夜俾頭城陷回司率眾
死於
司前

馮鎰益都人署都指揮守
西北城城陷遇害

唐世熊人崇禎戊寅任鹽運使守西北城已
那城陷或問計公曰此乃我輩死所也無

河
死之

苟好善陝西醴泉人辛未進士以南御史出知濟
南府事戊寅守北城城陷不屈死

陳虞胤雲南昆明人乙亥至司知濟南府事戊寅
守東北城時
不見賞及責之獨

公處頗有
城陷赴火死

孔聞武

曲阜聖裔府學教授已卯死

循令

侯宣

河南封丘人天順間知歷城縣事廉明威信勤政有為賑饑荒興學較決疑獄弭盜賊奉免牧馬民受其賜有德政碑

余翱

直隸定遠人正德間知歷城縣事性清直不受請託節財用均賦役革冒越民多賴之擢監察御史

張淑勵

太原孟人辛丑進士蒞任值災厲邊圉之餘輕徭薄賦與民休息嘗夜折訟得情皆片言及壘壘問疾苦必竟辭嘗語人曰吾四載於縣署有未蹈之跡未嘗一日於窮簷忘兼炤之心月旦與諸弟子設俎豆言詩書士再適薦者七人丙午秋人上最留權御史

賈仁元

山西萬泉人嘉靖末知歷城縣事有善政民德之李于鱗為作序

張鶴鳴

河南潁川人萬曆初任時礦使四出魚肉小民公力抗陳脩五龍壇入蜡廟濟懷家窪凡興利便民者無不為之且嫺風雅愛遊詠陞南京主政歷人祀之已陞憲副有張公重來天有眼之謠後為兵部尚書行邊有功賜璘王年九十流賊逼潁公率家族悉力拒之城陷罵賊而死事聞贈恤有加

陳承

直隸清苑人萬曆己亥任作人質朴立政真誠加意窮民持躬純白且承張令之後人稱

雙美祀於學宮

裴鉉

太原衛人斷獄如流務得民情胥弊一清奸人屏迹雖承平而用斧斤不無稍刻然發奸摘伏狐鼠潛消市棍偷兒屏息遠遁亦吏才之最敏者

呂黃鍾

山西澤州人天啓初自魚臺來任清慎寬勤持躬以禮遇物以和簡詞訟隨處折以

片言察保甲委巷亦必親歷且過目能察正邪任真不干聲譽衙胥斂手士庶歸心行取戶科

給事中屢上時務不留諫草忤當事意出爲登州副使以病歸庚辰起布政司右叅政曹州兵

備歷民間公來連袂相迎踵接於道蓋去數年如一日焉

韓承宣

山西蒲州人初任淄川以建石城功調歷城庶政肅清奸胥屏息簿書之暇猶臨書

院課士戊寅公調度有方奈羣指亂視朝令夕更甲可乙否未知適從然猶修濬城池

建望臺招徠鄉民獎勸輸助徒勞罔功遇難身殞公早

宋祖法

字允繩河南新蔡人甲戌進士初戊寅補祁門及已卯後濟變底

其人遂自祁調歷甫下車賑貧招移綏築城濬隍捕蝗禱雨修邑乘汰冗胥

典復季考設鑼于猗以察寃囚請免支銷以蘇積困勦撫叛寇頗費拮据辛巳六月陞

刑部主事

以余志縣令于漢得一人焉曰平陵令劉寵于宋

得一人焉曰歷城令歐陽大春于元得一人焉曰

歷城令李珪然大春與珪其行事不少槩見故關

焉不書書自正統何公瑾始其功烈表表著於當

世者僅得十人于時作而歎曰今之爲令厥惟艱

哉然救時之法大要有三因功令之嚴而濟以寬

杜傍門之虐而攬其權防叢借之端而肅以威昔

賢有言新法固嚴正賢者所當盡力之時能寬一分則民受一分之賜吁東方民力疲矣豈非賢者盡力之時與

歷城縣志卷六止

歷城縣卷七

邑人葉承宗撰

學校志

廟祀

師生

書院

風俗

學較天下之達教也曷專於歷歷百城之望也魯宮泮水稷下文裾不得先歷山片席學較曷不可專於歷也是故廟不載於宮室殊其制也祀不列於祠宇殊其儀也名不入於職官殊其秩也書院不附於公署殊其規也山有木工則材之邑有賢學則鑄之夫學賢士之關也可不敬與作學校志

廟祀

濟南郡邑二廟並建兩祀偕舉蓋甚盛也不敢詳
邑而畧郡者郡祀亦在歷也不敢先郡而後邑者
邑志爲歷作也昭富美紀壬林修廢而崇實是在
當事
學宮
歷城縣學舊在府治北縣治東隘巷卽今尹巷頽然數
楹不支風雨成化戊戌郡學旣新賈令公宣謀
新此學縣治東北有空閑公館寬廣爽塏宜易
之巡撫許公乃請於

朝而遷焉復市學前民舍闢而廣之前爲聖門櫺星
門泮池儀門中爲聖殿後爲橋門橋門東爲啓
聖祠橋門內爲明倫堂東西建兩齋一曰廣大
一曰高明又構鄉賢名宦二祠于儀門西列學
官居及倉庫庖湍之所又爲號舍以居諸生大
約如郡庠有提學畢公瑜記正德八年章太守
寓之擴學路通南衢立青雲路坊嘉靖二年建
射圃萬曆甲午張令鶴鳴重修庚子陳令采建
奎樓于巽方天啓壬戌吳令阿衡改敬一亭爲

尊經閣軒敞壯麗巍然大觀已卯經閣倫堂皆燬正殿亦就圯宋令公祖法謀修府學廟制考云魏太和五年立廟於學宮唐高祖立周孔廟於國子監貞觀二年房玄齡建議乃罷周公專享孔子四年乃詔州縣學皆立孔子廟宋熙寧間郡守李恭始建府學於大明湖南如魯泮宮金貞祐間板蕩城空二十餘年元至元間復立學較天曆間教授孔之巖置贍學田

至正六年庚辰秋八月山東憲曹告朔於廟憲

副冊行忽里哈赤知事李彥敬乃議修垣廣千二百五十二尺高一丈六尺廣四尺以石築基以白汚堊覆之以瓦宮牆始峻有元張起巖記

國朝洪武二年崔太守亮重建天順五年陳太守銓修成化十九年癸卯蔡太守晟建鄉賢祠增兩廡像龕樂器設二大屏於戟門外又建二坊於門之東西一曰鍾英一曰毓秀丁酉巡按梁公以太保尹冢宰命復增大成殿廣兩廡建戟門櫺星門饌堂明倫堂庖厨庫房師生廨舍百有

五十以及堂後環碧亭崇制閣其東爲射圃蔽
座章服無不一新正德七年章太守寓之建講
堂嘉靖十年建敬一亭有夏寅記萬曆庚子沈
太守蒸修引芙蓉泉水入外泮池名其水道曰
梯雲溪懋星門外左右建方圓二亭天啓丁卯
樊太守時英各二亭曰中規中矩又引明湖水
入異方爲一池蓄以金鯉種以桃柳建亭其上
曰飛躍又引水西入內泮池繇西廡後繞尊經
閣而東名曰玉帶河崇禎癸酉又圮廢顧太守

燕詒重修戊寅着太守好善重修大殿倫堂會
變而倫堂燬庚辰諸臺及郡守謀修

聖號

周魯哀公十六年誅稱尼父漢議孔子爲先聖唐
貞觀二年尊孔子爲先聖乾封初贈太師天授
中封隆道公開元二十七年謚文宣王宋乾德
初加戟十二枚詔命殿曰大成爲龕像祥符初
加謚玄聖文宣王尋改至聖文宣王元至大元

年加謚大成至聖文宣王

醢魚醢脾胙胙成化中增
邊豆各二實糗餌粉餈飽食

樂器

樂器樂舞樂章缺

府學樂器鐘一堵磬一堵琴六瑟二鳳箏塤箎搏拊如其瑟數箏箏如其琴數鼓一祝一敵一樂章迎神歌咸和之曲初獻歌寧和之曲亞獻歌安和之曲終獻歌景和之曲撤饌歌咸和之曲送神亦歌咸和之曲樂生三十九人歌生六人麾生一人凡四十五人俱堂上之樂其次則麾

生一人立神位左西向次左祝右敵次左右搏拊各東西對立次左右舞生以次而南亦東西對立次琴六人左者以次而東右者以次而西俱北向立次左右瑟各一次左右笙箏各六笙在內箏在外次左右塤箎鳳箏及箏亦以次而東西北向立於笙箏之後次左鐘右磬又次楹鼓居其左焉

舞生凡六十四人

御製卧碑

御製卧碑在明倫堂左壁

敬一箴

御製敬一箴及視聽言動心箴在尊經閣內二者天下儒學

俱有士子習誦文不其錄

官廨

教諭宅

尊經閣東

訓導宅

高明齋在射圃東垣隣總局廣大齋在橋門西崇禎初裁

師生

國初隆禮師席博士課最有

詔入翰苑者其後日以積輕而廣文齋冷徒資問字

之金苜蓿盤空誰復鱣堂之盛是以哲士成名率

繇鄉塾而學宮教課寥寥無聞焉至於歷士文名

日盛甲于他邑已卯之役衿佩晨星尙忍言哉

教諭

傅鵬

彭城人天順間任

婁偉

成化間任

周顯

廬陵人舉人成化間任

彭三俊

正德間任

楊璉

宜陽人歲貢

史定

嘉靖間任

甘霖

雲南人舉人

林清偉

福建舉人

馬師道

濟寧人歲貢

左之似

萊陽人歲貢

高昇

山西人舉人

王袞

大名舉人

胡來順

濟寧州人舉人辛酉任興歷山社修尊經閣河南分考陞陝西知縣

楊元瀛

貴州人辛酉舉人天啓乙丑任留
心課士河南分考陞夷陵知州

沈萬春

浙江仁和人敦厚不計束金
顧反周士數月陞陳州知州

張文昂

山西安邑人甲子
舉人陞內丘知縣

林懋先

掖縣人歲貢
已卯死

尹牧民

濟寧人

訓導

古鼎

成化
間任

程裔

嘉靖
間任

郭楠

嘉靖
間任

李君寵

膠州人博學能
文開薦未果

蕭衣

曹州人

朱國盛

河南人

許衣

堂邑人

李富興

雲南人

陳默

益都人
死難

李聯桂

直隸真定
獲唐人

生員

廩膳生員二十人增廣生員二十人附學生員六

百餘人

萬曆間三百有奇天啓間五百有奇崇
禎戊寅六百有奇已卯死難者三百

有奇現在者三
百五十七名

送學有旂有紅有花有馬有鼓吹縣令率佐貳親

詣學宮謁

廟令與學師交拜諸生向學師四拜學帥報二拜

縣

試儒童黎令公國器亦必吉服綵亭鼓
吹親送至庠揭榜奎樓之上後多因之

應試先期速以名刺至期設宴愛牧堂學師南面

縣令主席諸生東西向盛酒筵演戲劇簪以桂花被以綵絹導以絳旗引以鼓吹縣令親送至迎恩樓上盒樽數斟諸生乘驛馬回舍後多送至譚城驛癸酉僅送至城門外天鏡泉長此不已將有不出國門者矣諸生三年之勞一日之樂何惜數武不以侈下賢之譽哉

觀風 按院歲一行送考五十七名 鹽院歲一行數半之

文鹽院作養優等月銀六錢軍撫院往往行之

無恒期

季考 縣有季考學有月課太守司理各有考皆

合兩學試之賞格有差典廢十年庚辰張太守

學田 撫院地一項九畝三分八釐每年銀五兩

四錢七分五釐按院地一項七十畝五分銀五

十九兩鹽院地五項五畝八釐銀六十五兩布

政司地二頃一十七畝五分銀二十兩一釐學

道地二頃九十五畝四分二釐銀一百二十九

兩六錢本府地嗣查銀九十四兩刑廳地三十

三畝二分八釐五毫銀八兩三錢二分一釐二

毫五絲本縣地八十八畝九分銀十一兩五錢

社學

南門內外各一東西門內外各三嘉靖四年督學鄒公善既修至道書院因徧葺社學有

碑記在迎祥宮後今皆圯廢社學以端蒙養今貧生藉以餬口頑童聚以嬉戲豈立教初意耶

恤貧 貧不能葬不能娶不能衣食者皆有恤或

以鏹或以粟無恒數

書院

附 社會

子產不毀鄉較齊宣猶重稷門育人才美風俗書院又曷可少也歷下以書院名者四曰至道曰閔子曰白鶴而最後乃曰歷山方當盛時合六郡人

文較藝其中吾伊之聲與趵水接響黃中丞撫歷十餘年山水皆所登涉一日問左右曰濟南名勝何地未至左右以書院對中丞拂然曰書院乃賢士之關豈酒遊地乎重斥其人而止無何驛舍摧殘借供駐節已而銀璫大帥橫踞精一之堂黠胥健兒猥蹲贍碑之畔畢直指聞之寧不悔為多事

耶

至道書院

大明湖上江右鄒公善建原名湖南後更今名號舍若干間學田若干頃羣英

才而教之名卿碩輔皆出其

中張江陵時改為提學道

閔子書院

閔子墓前劉富平勅改為講孝堂

白鶴書院

城北三里邑人周居岐建今廢

歷山書院

約突泉東巡鹽御史畢公懋康萬曆甲寅年建其制中為精一堂六楹堂後有

穿廊

有後堂六楹庭四楹各有配房四楹週圍書舍數十楹堂前為儀門左右有掖門儀門前

有橋

引白龍泉水經約突泉前東注之復會約突泉前為大門四楹門前有坊曰歷山書院坊

前有屏

繪五魚化龍形初六郡士子讀書其中者以百計天啓初為郵亭士人不敢過而問矣

川上社

殷文莊主之嘉靖丁丑公以簡討居憂授徒課藝踰年售張中鵠周繼劉宗禹三人

次科

售鄭傑洪一謨二人木幾召入而社廢

金線泉社

陳憲副九疇主之成進士者六人繼憲副載春主之成進士者四人

白鶴院社

周司農繼主之相繼發跡者數人

歷山社

黎令公國器主之設兀縣庠官給養廩考次殿最士風翕然丕振

明湖大社

呂中丞純如主之命樊太守時英董其事諸生二百餘人會呈十卷中丞悉評

閱發刻賞

齊有加

歷山大社

崇禎丁丑予糾同人為此社每會五七十名人自餽食糊名易書浸及百人私

館莫容

會韓令承宣下車開之令入書院會擇優卷送縣詳覽備刻行二載人文丕變未幾以

遼警

罷

業風俗

禮樂興於庠序教化成為風俗附風俗於學較明

其源也隋書云齊郡風俗男子多務農桑崇尚學業程元云濟南人敦厚濶達多大節劉敏中云貴禮尚義長老有勤儉之範子弟多絃誦之風以今考之遺化猶存而囂風時作轉移化導存乎長吏南陽好商賈召父審以本業潁川好分異黃霸化以篤厚况歷風末流滋弊何不可變哉

鄉飲 舉以歲正月望十月朔古者賓席牖前南面主人席阼階上西面介席西階上東面僕席東北西面今賓主介俱隅坐相向矣古有瑟有

笙有勺有篚有司禁有玄酒今惟有解有鐘鼓古樂以工今以諸生古歌南陔魚麗周南召南等章今惟歌鹿鳴四牡皇皇者華古有揚解無讀律今制取周官讀法之義所以補揚解之不足也

射禮

國初設圃於學亦以習射之法先期定耦樹鵠臨射各以齒讓齒上者爲上射齒下者爲下射凡射以二人爲耦耦各四矢中的者飲三爵中采者

飲二爵負者階下取觶立飲射畢各揖而退今
功令森嚴必欲悉衿佩而鞅韜濟鉛槧以弧矢何如
復古制以責其實哉

冠禮 前輩筮賓醮子甚慎歷俗總角弱冠皆從
其便三加之禮不惟凡民罔知卽詩禮之家亦
有不行且雜流無異章縫娼優埒於后飾恬然
莫知其非焉安得公孫僑取厥衣冠而楮之哉
婚禮 先以媒妁通婚約次交讌士夫加幣有度
不受財于歸前饋女紅嫁用粧奩既嫁送茶饌

雖親迎不行事事有古禮獨女亡多反而相訟
大爲惡風甚有指腹割襟乘凶扶婦者敗俗妨
禮尤所當禁

喪禮 親故三日殮焚用楮帛弔賻者至倩客迎
賓逢七延浮屠追薦葬日置冥器列鼓吹導擁
士士民所同近日牙儉者流爭塗耳目墓起樓坊
衢設棚障後一日之觀壞百年之俗持正君子
甚耻之

祭禮 士大夫有家廟藏主於中祖考龕櫝依次

附焉累世不祧凡遇祭期則刑鷄以薦寒食墓
祭即享神胙於傍雖販夫販婦亦知負楮鏹以
往詩云清明祭掃各紛然歷俗有焉
士人只好讀書多盟社愛鼎者浹歲不至公門時
有一二敗羣取賤有司賢者遂耻與爲伍不肯
與朋比相援且輸將恐後莫敢有雌黃時政覲縷
官府者獨是近日優贍無聞稅役交應謀食無
計唔呶聲漸衰矣

農夫富者食田貧者食力播種於地徼倖天澤

幸而豐年又苦征催稼甫登堂室已告罄一遇
凶歉家無隔宿稱貸無門矧諸差皆出於地農
民車戶等役遭之輒爲破家殃及族間此農夫
所以扶耒而灰心也

工匠不作淫巧惟務本業日逐錙銖自食其力數
年來工役煩興餬口不給妨於官不得不取償
於民故今之工價皆倍昔時矣
商之大者曰鹽大力者負之而趨羅綺履舄取給
於南米粟布縷悉權於官一二傭夫販婦盼盼

窮年價增貨耗安望貿遷化居乎

孟春月元日昧爽設香燭牲醴祀神祇祖先家人

稱壽及旦戚里相賀三日徧謁諸神祠宴親友

元夜通衢張燈放花炬男女羣遊謂之走百病

過橋放河燈是月也女輟鍼工童子入塾農于

耜

仲春月二日打灰回逆女歸寧春分日爲春酒是

月也冰泮草生農舉趾會姻

季春月遊人徧于郊原命曰踏青二日上馬鞍山

璠桃宮寒食祭墓標紙錢增新土是月也女爲

鞦韆戲麥始生木始華桑始蠶多登岱起嶽社

孟夏月八日爲佛浴日僧作盂蘭會徧鄉士女咸

上東嶽廟北極廟是月也蠶繭登

仲夏月午日書門符懸艾虎繫綵絲黍角相餽士

大夫携酒泛舟作折筒飲卽小民亦携一壺劇

飲樹下十三日作醮社祠關侯燕飲戲劇爲樂

是月也麥始登婦始絲

季夏月六日汲水作酒麴士曬書農曬麥女曬衣

伏日造醬是月也黍始登

孟秋月七夕設瓜果乞巧婦歸寧中元日祭墓僧

作水陸醮是月也穀始登

仲秋月中秋翫月設菓餅飲月下戚里饋糕餅瓜

菓是月也木綿始登婦紡績

季秋月九日作菊糕登高婿女互貽服食是月也

釀菊酒醯瓜菜

孟冬月一日拜墓送寒衣農家滌場十五日下元

修醮是月也畢場功設讌會

仲冬月至日祀先逆女官拜

闕士拜師民祭祖是月也農治糞婦始織

季冬月八日食臘粥好施者濟貧童男女剃頭女

東黔耳二十四日設湯餅菓菜祀竈除日易門神

桃符春帖插芝蔴楷於壁掛長錢是夕辭歲蕹

爆竹焚蒼术家人設酒守歲是月也掃舍宇新

牆垣備薪米多嫁娶立春先一日迎芒神設讌

士人畢會老稚胥觀至期鞭土牛農商百藝咸

南持器以走春

南鄉之民知耕耘善樵牧性椎魯畏官法故長年
之叟終身不知官衙而百里之地無人能解文
墨近來權貴置產其間不復向日桃源矣於是
刁詐日習竟有以樸貌相稱長吏者其產也宜
棗栗多藥材多炭薪
東鄉之民習農事多讀書性聰察善興訟故俗號
東殷富士多振拔其產也多材木多蒲葦
西鄉之民務稼穡知誦讀性輕率其產也多瓜蒞
多絲綿

北鄉之民治畦圃性樸鄙其產也多粳稻多葱蔬
東關土厚水深其人敦樸然失也鄙西關水清水
秀其人文雅然失也華南關地衝民雜其人勇
悍然失也戾諺云東麥西米南柴北菜又曰東
關胡餅西關酒好漢出南門口此言雖鄙蓋亦
確論矣

五美

舊乘有五美五
惡之論附載

樂輸將
耕田納貢小民之職也有等姦民即日
撻而求其輸不可得歷民不俟催科而輸納如

流卽士夫亦先民而輸雖輸將固爲當然而較之姦頑大不相侔矣

按自癸酉秋糧衙役倡爲納黃米之說胥自買米非

其米卽車輶雲集守候經旬亦不得納民始憐然喪氣矣夫邑有美俗最不易得奈何使剝歸于下怨歛于上壞淳風而貽官謗彼孰孰何知寧不自爲愛鼎計乎

務本業 人皆種田藝圃貧者則樵採傭工遠販

者少男則貿易女則紡織在鄉者多務樹畜之

業有僻在深山老死不識衣冠者

讀書 章縫家多教其子弟以繼書香卽農夫胥

役亦知延師學館如雲各社相望昔所謂十萬

人家盡讀書又曰齊魯文學皆天性倘歷得之者多與

士夫不放債 士宦挾橐中裝而問舍求田猶其

上者乃放債以權子母之利刀錐相競以魚肉

鄉曲又有奸民假縉紳之勢放已之財縉紳得

其一彼得其十不惟主人不知有司亦不敢問

歷之鄉紳羞爲之故多貧

婦女不出官 秦晉間有事多婦女出告歷之婦

女恒多廉耻卽有牽及者亦百計求豁故歷多

烈女節婦獨是朔望日女婦猶多辦香而遊庵
觀者此尙不可不戒

五惡

衙蠹 無籍之人投售官府志在勾攝以瀆民血
髓又有富室求免差徭動以數百金買爲探快
一差破兩一票數出惡如狼虎非數十金不敢
獻跨馬橫行卽士夫不敢望可謂煊赫之極

順治政年奉

明文汰革探馬永不復役

送訪 鄉曲挾讐卽賄窩家捏事件送訪雖良有
其司昭雪之然一拿則身家盡破矣卽明知其冤
則曰訪犯也姑薄治之卒使無所控訴

串盜 無論強竊無窩則賊無所寄大都皆捕役
爲之故人寧失盜不敢報盜報則盜未必獲而
失主先受其殃比之惡則妄咬無辜以肆其詐
比之緩則坐地分贓而莫之誰何矣

火圍 民有訟之官者審其無事而放保寬之也
有一起姦民以賣飯爲名串通衙役窩屯之犯

無論飯高其價男子受其拘禁婦女任其姦淫
 嘗有數月不能見官者亦可矜之甚
 牙僧若輩假以官稅為名物擡其價致使騰貴
 又有一等市虎坐收龍斷之利大肆把持此貨
 財所以不通也

學較廢則人才衰禮義消則風尚薄鄭人所為賦
 子衿也故曰田蕪室荒其復也以三稔戶耗口戕
 其復也以十稔禮義壞廉耻亡其復也無日矣歌
 相鼠而不知咏茅鴟而不聞其何能治 七卷止

歷城縣志卷八

邑人葉承宗撰

選舉志

科目 貢監 武秩 掾吏

國以制科取士而猶歲舉明經歷人應運而生後
 先輝映炳乎史冊矣乃若鷹揚遺烈鬱為干城山
 東寧直多相哉至於漢辟功曹晉矜闕閱是皆思
 皇之選也豈以勢之積輕而遂及其例與作選舉

志

科目

歷惟材藪方在盛時印纍綬若里擬鳴珂牀盈積

笏比年以來何落落如晨星也或曰灤水微而士氣薄歷嶺鑿而文運衰是大不然猶憶曩時上有臨黌課士之典下有閉關攻苦之彥冠蓋相望固其宜也余特取姓名次而列之其聲望表表者備載人物志中此不具論

洪武甲第

洪武辛未科

楊煥

戶科給事中

建文庚辰科

武斌

員外郎

永樂甲申科

侯儀

知府

甲辰科

薛理

任行在戶科給事中尋授衡州府知府見人物志

正統乙丑科

王允

山西左布政見人物志

正統戊辰科

尹旻

宏之子丁卯第一名官至吏部尚書特進光祿大夫少保柱國謹恭簡有季公東陽誌銘

天祀於鄉見人物志

景泰辛未科

李衍

景泰甲戌科

史蘭

庚午第一名
御史陞知府

天順丁丑科

李森

給事中見人物志

成化丙戌科

鄒襲

濟南衛人南兵部郎中見人物志

成化己丑科

尹龍

曼之子翰林人侍讀學士

劉獻

濟南衛人戊子第名都御史見人物志

成化乙未科

張鼎

馱之孫右都御史祀於鄉見人物志

成化戊戌科

蘓泰

趙璧

給事中終陝西僉事見人物志

成化辛丑科

張鑑

主事

成化甲辰科

王勅 辛卯第二名探花及第河南提學副使國子祭酒見人物志

張善 湖廣參議

弘治庚戌科

陳謨 主事

弘治癸丑科

張良弼 進之子戶科給事中湖廣參議

弘治丙辰科

邊貢 寧之孫節之子南京戶部尚書祀于鄉見人物志

羅璋 修之子河南道御史陞知府

弘治己未科

周導 溥之子平陽知府

弘治壬戌科

徐暹 給事中山西副使見人物志

正德戊辰科

祝壽 雲南布政

正德甲戌科

劉天民 璟之孫緒之子四川副使見人物志

張玩 太僕寺少卿

劉承恩

正德丁丑科

王至善

浙江參議
趙璵
周府長史

嘉靖癸未科

陳明

浙江僉事
劉汝松
漢中知府

嘉靖丙戌科

陳朝

陝西臨洮知府
見人物志
谷繼宗
濟南衛人宜興知縣見人物志

嘉靖壬辰科

范瑟

翰林編修陝西副使見人物志

嘉靖乙未科

趙繼本

翰林庶吉士改御史
北京學院見人物志

魏希佐

山西潞安府推官

嘉靖戊戌科

金城

鼎之玄孫佩之子江西道御史
蕪州知府見人物志

嘉靖甲辰科

李攀龍

庚子第二名河南按察使
祀于鄉見人物志

張嵐

山西參議見人物志

薛樟

松梅之弟廣東道御史見人物志

洪遇

陝西西安府知府

徐承祖

暹之孫丁酉第一名元氏知縣

嘉靖丁未科

殷士儋 峻之孫庚子第五名歷官少保禮部尚書武英殿大學士贈太保謚文莊祀於鄉見

人物志

嘉靖癸丑科

潘子寬 子雨弟戶部員外郎祀於鄉

嘉靖巳未科

劉宗岱 勗之子陝西副使

嘉靖乙丑科

周繼 尚忠曾孫居岐孫南京戶部侍郎見人物志

韓應元 山西參議祀於鄉 陳可大 工部郎中

鄭傑 直隸吳江知縣

隆慶戊辰科

于鯨 河南道御史太僕寺少卿 劉伯縉 山西副使見人物志

隆慶辛未科

趙世卿 戶部尚書太子少保祀于鄉見人物志

萬曆甲戌科

王見賓 僉都御史祀于鄉見人物志 于達真 丁丑廷試陝西參議

萬曆丁丑科

張志 嵐之子翰林庶吉士湖廣參議 賈希夷 御史陞河南副使

陳九疇 乙卯第二名山山西副使祀于鄉見人物志

萬曆庚辰科

董元學 策之孫陝西布政為人醇西參議謹寡交遊亦篤行君子

陳載春 九疇子河南副使見人物志

萬曆己丑科

陶嘉璋 濟南衛人河南副使

萬曆壬辰科

穆深 吏部稽勳司員外郎祀于鄉見人物志

劉亮采 辛卯第六名璟之玄孫緒之曾孫天民孫戶部主事見人物志

陳宁 大本子辛卯第二名陝西副使

萬曆戊戌科

吳聞詩 直隸天長知縣祀于鄉

萬曆丁未科

周萬鎰 溥之玄孫藻曾孫四川道御史 汪三益 行人朝鮮正使

萬曆癸丑科

崇方守地 四川參政能詩文 張九賢 本名九重刑部主事

萬曆壬戌科

孫止孝 純孝弟會魁密雲道參議見人物志

天啓乙丑科

張元俊 鑾五世孫
曲沃知縣

崇禎丁丑科

王際亨 直隸南
和知縣

鄉薦

洪武丁卯科

仇友 戶部員
外郎

謝允 泗水
訓導

庚午科

張志 刑部員
外郎

徐敏 順天
訓導

癸酉科

錢盛 秦府
伴讀

秦琰 刑部
侍郎

張時中 真定
知府

郭英 陝西道
御史

丙子科

張本 河南榮
陽知縣

黃質 寧府
紀善

魏色 直隸內
黃知縣

陳俊 河南懷慶
府訓導

巳卯科

武斌 庚辰
進士

楊煥 辛未
進士

艾福 福建建寧
衛經歷

張子善 陝西鳳翔
府簡較

進士

科目

友聲堂

壬午科 竇信 四川道御史

黃文 陝西階州訓導

黃昭 直隸淮安通判

永樂乙酉科

侯儀 甲申進士

張文郁 山西太原知府

沈俊 光祿署丞

耿信 陝西慶陽知府

李琰 陝西秦州同知

張東 戶科給事中

牛恭 鴻臚鳴贊

金儀 光祿署丞

黃榮 韓府長史

焦僎 遼東自州知州

戊子科

張俊 通政參議

科義 陝西平涼知府

辛卯科

傅弼 河南南陽知府

王璉 山西曲沃教諭

李壽 山西臨汾知縣

張獻 光祿署丞

劉翥 陝西慶陽推官

趙紳 江西參議

穩頤 山西渾源知州

甲午科

尹宏 福建泉州知府以子旻貴累封少保吏部尚書

韓聰 直隸燕山衛經歷

吳信 直隸保定衛經歷

侍立 戶部主事

胡寧 山西澤州同知

苗興 河南太康知縣

楊春 山西平陽推官

程稷

李厚 直隸華亭知縣

李福 直隸清縣教諭

楊清

李源 山西安邑知縣

丁酉科

楊宏 浙江金華府庫大使

孟訥

張貫 直隸寧國推官

黃升 遼東廣寧衛經歷

劉斌 直隸慶雲知縣

姚真 鴻臚鳴贊

庚子科

時利 刑部主事

竇暹 南京刑部主事

癸卯科

張勇 國子監學正

封術 河南肝城教諭

薛理 甲辰進士

張鑑 直隸清苑知縣

李春 雲南蒙化通判

徐暉 山西沁源知縣

李漢 南京羽林衛經歷

郭政 直隸平山教諭

祖斌

胡寧 河南許州訓導

宣德丙午科

劉貴 鴻臚 鳴贊

陳昱 陝西都司 斷事

巳酉科

閻肅 山西 參議

李茂 陝西 參議

孫睿 山西 參政

康原 廣東廣州府 同知

邢讓 順天 通判

崔鐸 山西代州 知州

壬子科

田輔 直隸靈璧 知縣

乙卯科

劉敏 河南許州 知州

殷質 河南鄆縣 教諭

趙瓚 紳之 弟

正統辛酉科

王允 乙丑 進士

張鸞 湖廣長沙 通判

李甲子科

鄒儀 四川重慶 教授

李信 代府 教諭

趙恭 直隸安肅 教諭

王福 山西興縣 知縣

丁卯科

尹旻 第一名 戊辰 進士

薛昌 雲南臨安 知府

景泰庚午科

史蘭 第一名甲戌進士

李森 丁丑進士

賈恕 河南封丘知縣

癸酉科

李衍 甲戌進士

張相 勇之子

盧獻 直隸富州知州

羅修 丁丑進士

丙子科

周溥 第一名直隸元氏知縣

鄒襲 丙戌進士

大順己卯科

高輔 福建運使

韓相 聰之子直隸棗強知縣

邢思義 讓之子

邊寧 應天府治中

楊璽 直隸太平知府

壬午科

蘇杰 直隸

崔森 鐸之孫第二名

孫瑜 直隸太平通判

董璽 直隸山陽知縣

成化乙酉科

柴訓 直隸

朱鼎 直隸徐州知州

王倫 直隸真定府知

王凱 直隸深澤知縣

戊子科

劉獻 第一名已進士

劉現 獻之弟知縣

薛讓

辛卯科

王勅 第二名甲辰會試探花及第

劉琬 謙之子

張鼎 乙未進士

徐敬 山西汾州知州

尹龍 已丑進士

柴鵬 河南衛輝通判

蕪泰 戊戌進士

王乾 戶部主事

張鑑 辛丑進士

李綸 壽之子直隸隆慶知州

趙璧 戊戌進士

甲午科

周恪 河南孟津教諭

林峴

丁酉科

許嗣榮

李鐘 岐府長史

庚子科

殷駿 以孫士儋貴累贈尚書大學士

陸祺 山西沁源教諭

李懋 順天府教授

崔茂 浙江溫州通判山西

范圯 直隸博野知縣

張善 甲辰進士

王宗 直隸清豐知縣

丙午科

王昌齡 第二

周導 已未進士

李澤 山西忻州知州

邊節 寧之子山西代州知州

張良弼 癸丑進士

弘治巳酉科

李宗舜 信之子河南榮陽訓導

陳謨 庚戌進士

盧珪

楊俊

壬子科

周程 溥之子導之兄二名直隸寶坻知縣
周秀 溥之子導之弟第

羅璋 內辰進士
劉緒 環之子直隸高邑知縣

徐暹 壬戌進士

乙卯科

趙睿 山西介休知縣
張齊 鼎之子浙江金華同知

邊貢 丙辰進士

戊午科

董昌 直隸揚州通判
姚卿 山西霍州學正

張鑾 直隸行唐知縣
畢鐸 直隸滑縣訓導

辛酉科

賈駿 直隸貴池教諭

秦鉞 山西嵐縣知縣

趙隆 山西霍州知州

甲子科

岳巍 山西渾源知州

李宗文 直隸南宮知縣

祝壽 戊辰進士

正德丁卯科

劉天民 庚戌進士

鄒以定 襲之子以誠兄懷慶教授

庚午科

王詔 河南開封同知

李良翰 河南永寧知縣

癸酉科

胡鐘 第二名武學教授

靳廷寶 陝西渭南知縣

鄒以大 襲之子以定弟山西文水知縣

魏治

柴軻 直隸樂亭知縣

張玩

陵俊 直隸隆平知縣

劉承恩 甲戌進士

谷繼宗 丙戌進士

趙秉祝 陝西寧州知州

丙子科

趙瑗 丁丑進士

王至善 丁丑進士

陳明 癸未進士

巳卯科

劉汝松 巳未進士

劉煥

劉宗仁

壬午科

曹俸 山西平遙知縣

湯霽 直隸吳橋知縣

乙酉科

王至善 進士

錢世資 么溥子贊 皇知縣

蘓民慶 南京刑部員外郎

江濬 山西道御史 陝西副使

閻在邦 紀之子 隨州知州

李真節 寧陝 陝西

曹卿 第二名直隸 河間通判

李瞻

陳輞 丙戌進士

馬應奎 山西應州知州

賈應祥 駿之子

范瑟 壬戌進士

周居岐 尚忠之子 河南葉縣知縣 以孫繼受封見人物志

嘉靖戊子科

董三餘 政之曾孫 璽之孫

辛卯科

金城 戊戌進士

魏希佐 乙未進士

薛松 梅之弟 樟之兄

甲子科

趙繼本

乙未進士

周居魯

尚忠子居岐弟以歲貢中順天亞魁直隸元氏知縣

丁酉科

徐承祖

第一名甲辰進士

崔世用

河南懷慶推官

錢穀

世資之子

齊忠

山西安邑知縣

庚子科

李攀龍

第二名甲辰進士

殷士儋

第五名丁未進士

洪遇

甲辰進士

張汝龍

山西渾源知縣

癸卯科

許邦才

第一名周府長史加四品服俸見人物志

魏宗芳

河南歸德同知

薛樟

甲辰進士

陶棟

相之弟河南羅山知縣

潘子雨

子寬弟行太僕少卿能詩

張嵐

甲辰進士

郭寧

淮府長史

丙午科

張弓

第五名直隸淮安通判見人物志

巳酉科

耿尚文

信之曾孫直隸蠡縣知縣

潘子寬

癸丑進士

趙鑛

璧之孫

崔元吉

森之孫宿遷知縣民為立祠

張存智

瑄之孫戶部郎中

壬子科

楊宗儒

高自卑

直隸邳州知州

劉宗岱

已未進士

乙卯科

陳九疇

第二名丁丑進士

任登瀛

河東運副見人物志

劉伯縉

戊辰進士

李魚化

直隸威縣知縣

戊午科

張中鵠

伯醇之子河南歸德通判

韓應元

乙丑進士

周繼

乙丑進士

劉宗禹

山西沁州知州

辛酉科

鄭傑

乙丑進士

洪一謨

遇之子御史陞湖廣僉事

劉鉞

陝西漢中通判有詩集二卷

孟醇

雲南僉事侏儒滑稽善攝生好亭榭

甲子科

于鯨

戊辰進士

趙世卿

辛未進士

陳可大

乙丑進士

隆慶丁卯科

李淑性 應和子

張正蒙 四川成都通判

庚午科

王見賓 甲戌進士

張志 嵐之子丁丑進士

宋應奎 河南沈丘知縣

萬曆癸酉科

周璧 直隸玉田知縣有清操

劉承培 煥之子

陳載春 庚辰進士

于達真 甲戌會試丁丑廷試

光廬 河南太康知縣見人物志

丙子科

耿焯 尚文子直隸廣平同知飲于鄉

賈希夷 丁丑進士

劉伯綬 伯縉弟雲南楚雄知府見人物志

黃應乾 質七世孫湖廣蘄州知州

劉濟 曹縣教諭

李淑身 應和子淑性弟河南鞏縣知縣

巳卯科

董元學 庚辰進士

劉勅 陝西富平知縣見人物志

壬午科

趙肄塾 繼本孫克塾弟第七名崑嵐知州

張情 鑾之玄孫雲南巨津知州

郝修平 河南淇縣知縣

陳大務 陝西延安同知五馬之第無一椽支風雨然諸子孫皆以才餬口四方矣

王一登

劉遷

河南衛輝知府見人物志

彭潤

山西蒲縣知縣

余晉

趙廷璽

直隸景州知州

張邦基

汝椿孫暉之子湖廣保康知縣

戊子科

穆深

第七名壬辰進士

袁慶庚

雷之子直隸晉州知州

田秋實

遼東安樂知州

張九疇

陶嘉璋

己丑進士

辛卯科

陳宁

第二名壬辰進士

劉亮采

第六名壬辰進士

吳聞詩

戊戌進士

甚應貞

實七世孫應乾弟山西榮河知縣

甲午科

張蒙正

直隸保定同知

穆遠

深之弟直隸元城知縣見人物志

丁酉科

馬維驥

河南陳留知縣

張九重

癸丑進士

邢善

殷象賢

士儉從孫直隸霍山知縣精理學善音律積書數百卷

庚子科

陳楹

直隸平山知縣

孫純孝

止孝兄見人物志

癸卯科

汪三益

第七名丁未進士

孫止孝

壬戌會魁

張士英

山西徐溝知縣

丙午科

王啓亨

元復子第二名見人物志

姜應科

陝西郿陽知縣

周萬鑑

丁未進士

壬子科

方守地

癸丑進士

馬從龍

乙卯科

米嘉珠

見人物志

劉汝通

見人物志

賈槐

希夷子見人物志

戊午科

張元俊

乙丑進士

天啓辛酉科

曹顯光

甲子科

趙天開

璿之玄孫繼本孫肄塾從弟第九名著易經四書講意各數十卷

徐暉吉

見人物志

張元英

鑾六世孫情之手見人物志

董威如

元學嗣子

馬鳴宙

惟驥子

丁卯科

吳斗光

直隸博野知縣丙寅死於難

劉化光

伯縉猶子伯綬子見人物志

趙標名

已卯守東城正月二日城陷人見其死東城下

葉承宗

崇禎庚午科

胡顯宗

見人物志

劉漢儀

化光子見人物志

癸酉科

丁振

見人物志

丙子科

稽嵐

第七名見人物志

王胤前

見人物志

孫建宗

止孝子純孝猶子

王際亨

丁丑進士

劉緯

貢監

任子保舉附

明經一席盛代所重然固有博物洽聞厄於數奇

俛首而就寒氊者則亦有偶廁前茅魚貫而及揚

眉而後進賢者斯固區以別矣而况值不稔歲于

國慶典則有貢不次特拔則有貢貢雖不同皆非待

年者比也若夫任子厚襲夫祖廕成均廣毓乎譽
髦擇其賢者著於篇至例貢六途槩置不錄君子
以爲銅臭也

歲貢

洪武年

宋牧 天長主簿

尹迪 大興主簿

李覲 雒陽知府

劉郁 靈石知縣

楊政 春坊清紀郎

趙庶瞻 汾州知府

楊勉 吉安府通判

永樂年

趙謙 臨洮府同知

曹樂 安樂州判官

李由

李煥 紹興知府

張欽

許信 江陰主簿

趙祚

宋慕 鳳翔知事

程翱

王榮 崑崙衛經歷

黃盈 兵馬指揮

宣德年

楊亨 河南縣知縣

薛凱 崞縣知縣

邢志 昌黎縣丞

金鼎 珮之曾祖城之高祖南京戶部土事府庠

鄧宗 昌平縣丞

王安 桃源縣丞

正統年

劉振 靈丘王 府教授

姒芳 泉縣 知縣

趙冲 太谷 縣丞

許鼎 温州府 通判

趙璿 繼本祖河 東運同

沈俊 光祿 署丞

吳信 太谷 縣丞

張洪 蘭州衛 經歷

張志 潞州 判官

李幹 通政司 經歷

劉殷 遼府 典簿

李譽 延安 炤磨

董正 武安 縣丞

景泰年

劉經 南陽 知縣

聶通 柯城 主簿

周紀 武安 知縣

天順年

范禎 新野 知縣

張倫 儀武 縣丞

李友 陽武 縣丞

李城 肅縣 縣丞

耿恕 新城縣 丞府庠

劉鐸 新頓 縣丞

劉璟 天民 之祖

趙縉 茗溪 驛丞

胡秀

張進 良弼父 樂州判官

成化年

尹禎 河南 縣知縣

單貴 肥鄉 縣丞

劉龍 蘭溪 大使

尹裕

江深 固始 訓導

江清 永城 訓導

蕭敬 阜陵衛 經歷

陳能 固始 訓導

蔡垠 元始 訓導

李麟 曲沃 訓導

于弘 吳江 縣丞

張昱 汲縣 訓導

弘治年

蕭起

張綱 壽州學正

張汝椿 齊之子 德府教授

李能

張理 存智之祖

崔朴

楊紳 清河教諭

董駿

張璉 交城教諭

正德年

鄭瓚

許振 鳳翔府訓導

崔顯

武弘訓導

金珮

李宗 臨漳訓導

閻紀

在邦父桃源主簿府庠

李博

劉勗 鄭州學正

林訥

徽府審理

錢公溥

世資父中牟訓導府庠

嘉靖年

張鴻

王寵

鞏昌推官府庠

徐旻

王廷偉

昌齡子濟州衛教授府庠

白瑞

趙仲篬

義寧王府教授

朱鼎

周尙忠

居岐居魯之父葉縣訓導

盧政

張鏜

泗水教諭府庠

盧昌

鳳陽訓導

杜孟芳

臨晉縣丞

薛梅

松樟之兄

董策

駿之子天澤父元學祖府庠

周居魯

尚忠子居岐弟中順天亞魁

張爵

茂名知縣

來鳳

余社教諭

董天澤

策之子元學父潘府教授府庠

劉欽 魏氏訓導 張大化 山海衛教授府庠

崔岱 行陽訓導 陶相 棟之兄原武知縣 姚存仁 遷安訓導

李應和 淑身淑性父拓城知縣 曹濟文 雞澤訓導

張皖 齊之孫教授 趙應奎 袁霑 慶庚父秦府教授飲于鄉

艾濟 賈濟世 張伯醇 中鵠父

隆慶年

丁舜卿 廣平訓導府庠 李元亨 尚文蘭 府庠

王堦 廷偉子元復父兗州教授 徐來朝 曹縣訓導

萬曆年

許復 邦才子雞澤知縣府庠 曾國泰 全州衛訓導

李駒 攀龍子府庠 李慶元 張問行 泗水訓導府庠

范廷彥 孫鵬程 文縣知縣府庠 馬班 應奎子府庠

潘子震 子雨弟子霓兄莘縣訓導有詩刻 劉晉 莘之兄府庠

楊承恩 平陽府通判見人物志 李華春 府庠

趙元懿 馬邑教諭府庠 張幼學 方子高唐訓導 劉遂 鐵嶺衛教授府庠

王瑤 汾州府訓導 劉尙德 潞城縣丞 董光 天澤子聊城訓導能詩

岳邦鎮 城武教諭 馬一乾 青州府教授能詩

王元復 堦之子啓亨父平山教諭見人物志 陳大本 寧之父

張念

嵐之子志之兄
黃縣教諭府庠

李應麟

府庠

党正

磁州
判官

柳汝棟

蓬萊訓
導府庠

畢用

卽墨
訓導

張程

善之子益陽王
府訓導府庠

朱邦才

王道成

萊州府教
授府庠

王道平

青州府
教授

趙克塾

繼本孫肄塾兄
府庠能詩文

陳陞

寧從兄鄉城
教諭府庠

孟開東

臨清州訓
導府庠

曹學禮

東平州
學正

趙宗孟

臨清州
訓導

時遂

張康時

劉萃

晉弟壽章
訓導飲于鄉

劉傲

救之弟邳州知州府
庠飲于鄉見人物志

張維

滕縣
訓導

張慶兆

昌樂教諭博學能詩精
天文以居廬歸竟不仕

王弘化

張鳳羽

武城訓
導府庠

馮東暉

青州府
訓導

孫翹

曹縣
訓導

傅自新

曹縣
教諭

天啓年

孫承業

東阿
教諭

張允文

東昌府教授
見人物志

陳彥

朝之孫東平學
正府庠能詩

趙惟琴

盧龍衛經
歷府庠

劉遜

保定教
授能詩

劉三樂

昌樂
教諭

趙議

舞陽
訓導

徐有爲

周府教
授府庠

李和

府庠
縣丞

崇禎年

陳棟 九疇孫武 楊衍嗣 承恩之子能詩 黃邦屏

馬駿 府庠 吳從周 萊州訓導 謝孔傳 臨胸訓導

林氏表 張廷彬 嵐孫志子 席宴儒 府庠

選貢 張暉 汝棟子邦基父隆慶恩選 張丕烈 萬曆末年拔貢府庠

孫鴻翔 泰昌恩選府庠福州府通判

賈嗣炤 希夷孫泰昌恩選有和陳方伯落花吟三十首見人物志

史臣贊 天啓恩選忻州知州府庠見人物志

王德璋 見賓孫天啓恩選臨城知縣能詩文

張經 程之孫崇禎恩選著論語中庸亦說仁義辨等書已卯守北城死

江源長 乙亥拔貢已卯死

高鳳翔 崇禎已卯以副榜克拔貢邑廩生

時鳳儀 崇禎已卯以副榜克拔貢邑增生

任子

尹繼祖 以祖旻廕授中書舍人

邊翼 以父貢廕潘子霓華泉詩序曰胄子翼長為光祿丞

殷盤 以父士儋廕貴州思州府知府有南北遊稿

趙鉉 以父世卿廕官至廣東高州府知府 尉之冕 以父繼廕

趙鉉 以父世卿廕官至廣東高州府知府

趙鉉 以父世卿廕官至廣東高州府知府

殷啓賢 以祖士儋廕見任潞安府同知有清操重於時

趙鑛 以父世卿廕

趙滋初 以祖世卿廕

監生

李煥 永樂時見保舉

張汝桂 齊之子

王振宗 見賓子

賈梧 以邑庠入監任廣東潯州府經歷

董道南 元學子廩監

李化魯 光祿署丞能詩

劉謙光 伯縉子廩監以註誤改武仕至羅文峪守備加銜遊擊博學能詩文

陳樞 載春子庠生入監樸厚溫醇善承親意人樂與交已卯守西南城死難

保舉

張紳 濟南衛人洪武中以勇畧薦仕至浙江左布政

秦琰 洪武癸酉舉人仕至刑部侍郎

郭英 洪武癸酉舉人仕至陝西道御史

竇信 永樂癸未舉人仕至四川道御史

趙紳 永樂辛卯舉人仕至江西叅政

李煥 永樂中國子生仕至紹興知府

武秩

寧為百夫長不作一書生似武處其優挽萬石功

不如識一丁字似武又當其誦夫衛青奮於厮隸

岳侯起於步伍豪傑顧自奮耳誰謂將真有種哉

第邇來純袴之子哀焉建旄負販之夫突然橫帶
豈惟儒生是耻卽韎韐跣跣注諸君子寧不羞與爲
伍乎先武科次將材亦以見赳赳桓桓不愧生我
秦羅之里也

武進士

鄭惟清 指揮會試第二 名官至都司
谷中和 指揮官 至守備

王政 百戶官 至守備
劉定邦 千戶官 至遊擊

王敬賢 政之子百戶官至武 定守備見人物志

李揚 民生官 至守備
許振威 民生官 至守備

扈陞 民生崇禎辛未是 科傳臚涿州守備
吳安民 安邦弟甲戌 曹州守備

穆光胤 深之子丁丑本省巡道中軍 守備已卯守西城死 難

汪三奇 三益之弟丁丑 大安口守備

武舉

費惠 指揮官至 文登守備
費克謙 惠子指揮京營 副將見人物志

魏明邦 指揮官至遊 擊見人物志
傳承恩 百戶三科天津 遊擊見人物志

尹湯相 百戶
韓宣旂 指揮天 啓丁卯

馬壯 鎮撫
李騰蛟 百戶

杜明卿 千戶
周文煥

王世英 千戶

陶重器

張遇吉

王仕賢

李守仁

于安民

殷悅賢

秦邦賢

朱廉 見人志

侯來朝

鄭明雋 癸酉

岳惟岱

張元弼

陳所志 官至守備

耿呈獻

程起鵬 縣探馬

張啓元

馬從聘

馬鳴竅 弟

張元甲

李夢庚 崇禎癸酉

觀國光 癸酉

陳元勳 癸酉

趙騰龍

封三位 天啓丁卯

支天柱 崇禎丙子

趙普 丙子

鄭國柱 丙子

陳典 中丙子 變死西城

張章 丙子

王丕振 巳卯

呂興邦 巳卯

陳元運 巳卯 第二名

武將

衛青

指揮官至總兵見人物志

衛穎

青子

朱官

千戶官至總兵

吳安邦

指揮官至登州總兵見人物志

韓國禎

指揮官至參將

王國光

指揮官至都司

李啓東

指揮官至參將

彭翼

指揮官至都司

于慶

指揮官守備

毛爾成

指揮官至守備

法國勳

指揮官至都司

觀應武

千戶官至遊擊

李績

啓東子指揮官至本省參將

陳光耀

指揮官至

椽吏

漢世范孟博諸賢皆奮跡功曹卽我

朝况都憲鍾亦以文仁害起家安在刀筆吏不可爲

公卿耶但近日吏職日下律學失傳給事上官則

虎而翼出佐郡邑則鼠而伏求其嫻習法令表表

建明者無人焉往牒無聞故老弗識耳目覩記聊

志數人以爲椽式豈真謂讀書不讀律致君終無

術哉

趙應奎

字子徵以長史功曹椽除壩上倉大使單車之壩會計惟謹束橐較於輿薪執槩不爽

釜鼓改小真村巡簡有劇賊檄捕之俘十數輩賊悉衆拒之遂爲所獲直兵在胸旬兵在頸

公不爲動賊亦尋解事聞不次陞焉亡何棄官歸則長君世卿舉於鄉之歲也

殷汝楫 任河南唐縣主簿居官不阿堂官寃逮一人命楫鞠之竟棄官走一縣稱差後生曾

孫象賢以鄉薦為霍山令

李寶 號儒溪任河南柘城縣主簿征施五有功

殷哲 字子濬通吏河南趙府審理居官清慎處眾謙和一貧如洗眾皆賢之

秦邦彥 仕大興縣丞精律令性剛直縣令欲殺一人彥輒出之至相毆到京兆前京兆謂令

曰秦丞強項爾須讓之竟出其人後陞經歷彥以仕途難容謝政歸學律者多師之晚歲得子

夢臯為諸生有文名

孫自成 通吏遺腹子武功中衛經歷習律令明術數善奕棋克例貢又從征

范名臣 京衛經歷性恬雅有文人之度

胡士傑 少好讀書四十無成去而學吏勤慎謙和雖案牘紛紜猶不釋書史子顯宗舉庚午

已卯父子皆死於

天下積重之勢在科目矯之者輒欲佐以微辟豈

真謂鎖棘餽名風簷日陞之外果有肥遯高舉如

所謂嚴陵之瀨者哉夫一代之典羣材所聚漢重

射策則有賈董晉矜門第則有王謝唐宋重詞賦

則有姚宋韓范豈有專崇經術顧不得真儒之用

者竊怪今之君子外務日來閱牆彌甚致令縱橫

之流刀筆統袴之子皆能咄咄揶揄薄儒術為罔

效噫吏道多端雜流並進今之徵辟者能已見於天下矣

歷城縣志卷八止

歷城縣志卷九

邑人葉承宗撰

武備志

軍制

兵防

禦侮之策一曰軍一曰兵而鄉兵不與焉軍主守

兵主戰顧言軍則必覈屯言兵則必籌餉而嗟仰

屋悲空炊者輒耽耽於鄉兵夫亦謂土著無慮逃

亡家食無需饋餉耳遂自詡為得寓兵於農之意

噫譚何容易古所謂寓兵於農者謂計畝賦車而

不重稅也今履畝且至再至三矣謂家給人足而

人勇公闔也今細民且啼饑號寒矣謂老疾者聽

孤弱者畱不悉族而役也今壯夫荷戈老稚給餉朝不謀夕矣如之何其爲寓兵於農也

國家軍政故在兵法故在覈實行之自可建威銷萌畱此疲瘵小民生息保聚以爲辦租供餉之資可耳禦侮長策誠不恃乎此也作武備志

兵軍制

軍以衛城屯以養軍養兵數百萬而不費一錢誠良法也自正統以來始而分班京操繼而調撥邊戍精壯往役所遺老羸軍餘真如駢拊軍威不足

勢不得不勤召募客兵日盛勢不得不議增餉則屯制不清之故也清屯以恤軍恤軍以簡兵簡兵以省餉省餉以息民可無務乎

衛官

濟南衛指揮使七員 指揮同知六員

指揮僉事十員 署指揮僉事五員

經歷一員 鎮撫一員

濟南守禦左右中前後五千戶所正千戶十員

副千戶十三員 百戶十六員

試百戶七員

鎮撫七員

總旗二十二員

小旗五員

軍額

春班京操軍一千五十八名

崇禎已卯變殺擄見軍八百四十六名

邊軍原額一千六百五十五名

見軍一千二百七十七名右領春秋兩操各以

都司一員指揮二員崇禎已卯復用道臣押解

城操軍六百名

按觀風便覽濟南衛團操軍餘一千名內本衛六百名青州衛四百

名今分二部左部操軍六百名營官一員領之右部操軍四百名營官一員領之都指揮同知

一員濟南衛指揮一員統之今本衛軍缺額未補見軍四百一十六名

老幼軍餘二百八十名

舖軍原額七十五名

見軍一百三十七名

門軍原額一百四十名

見軍七十名

馬匹

城操營原額馬七十二匹

見馬二匹

軍器

造軍器局軍二十八名

玉簪盔一千六百五十三頂

明鐵甲一千六百五十三身

腰刀一千一百四十把

城樓貯器

大中滅一砲三百八十位

魚鼓砲五位

虎蹲砲十七位

湧珠砲十二位

百子砲三十二位

摧鋒砲二位

佛狼機三十六位

鐵拐鏡六十一杆

謹按國初製造軍器貯於城樓凡甲冑刀鎗弓矢鳥機灰罐油

瓶制勝摧鋒之具無不精巧該備卽長年軍弁猶有不知其名者天啓間楊都闖國棟恐城頭失於防備因於本司建房數楹以貯之尋復移置樓上呂中丞純如徧加驗試多毀古器而新

之浸尋至己卯之變城樓半燬器多殘失西南角樓又經砲震今所存止砲鏡若干盛甲弓矢盡屬烏有季都闖國祚多方繕備月有增益雖漸次充足然古器不可復覩矣

營中器幟

大鳴金二先登鼓二得勝鼓二小鼓十六響器全

坐纛旗金鼓旗五方旗清道旗四門八角旗中軍

旗左右認真旗高招旗掃蕩旗小藍旗各如製

營中長技

弓箭手三百火器手三百長鎗手二百大刀手二

百

屯額

京邊軍無糧贍軍地一千一百四十頃一十畝三

釐一毫

屯地有糧地畝大小四十屯共地九百五十七頃

十五畝三分六釐九毫九絲徵銀二千六百兩

五錢二分

兵制

軍制隳而召募起土著寡而客兵繁戊寅之役主
兵調以遠防客兵召而內守始而疑既而特忽議

募心議撤千夫脫巾縣官捐數十緡乃得解去築

舍之害至此哉今幸羣策保障計戍城則議留計

增額則議募桑土綢繆可謂密已但衆多烏合不

嫻節制餉非匱乏而肆行劫掠莫敢誰何無事而

驕有事焉能用命師干之試是在今日矣

營官

軍門標下鋒營中軍參將一員 隨任守備二員

鋒營中軍一員 步前營千總一員 把總二員

步中營千總一員 把總二員 步後營千總一員

把總二員一員

馬左營千總一員 馬右營千總一員

內司把總一員 火營中軍一員

軍門標下旗鼓守備一員 天啓元年趙中丞彥題准設立

南兵營千總一員 把總二員 哨官五員

兵巡道家丁營中軍官一員

兵額

步前營兵丁四百四十九名

步中營兵丁四百九十八名

步後營兵丁四百九十七名

以上神樞營步兵一千四百四十一名

馬左營兵丁四百八十八名

馬右營兵丁四百九十八名

以上鋒營馬兵九百八十六名

南兵營兵丁四百九十一名

道丁營家丁一百四名

旗鼓營家丁五百九名

以上五營共兵三千二百三十一名

馬額 步營共兵三千二百三十一匹

步營馬十五匹

馬左營二百六十五匹 馬右營二百五十匹

馬營六百六十七匹今缺未補

南兵營馬十一匹

旗鼓營戰馬八十一匹 係各州縣錢糧有缺即補

道丁營官馬十五匹 戊寅間九十二匹

以上五營馬六百三十七匹 戊寅八百一十八匹

通計馬步南兵道丁官兵廩月糧銀馬料共該支銀四千四百四十兩四錢八分三釐

官丁雜流廩月糧銀馬料共該支銀六百七十九兩二錢六分五釐

練營把總一員 崇禎已卯初設

鄉兵三百二十名 月給工食九錢五分

神通營千總一員 萬曆末年設營在柳埠有公署有武場有營房今皆圯廢

民壯五百名 舊例歷城泰安長清肥城萊蕪共足其額將官俸祿民壯工食俱五州縣

支給自崇禎庚辰復設然兵額過訕焉能防大寇耶

膏沃入於豪彊而屯制壞頂替及於雇募而軍額

虛選練及於遊食而兵勢渙調遣志在劫掠而兵

律隳無事則餽餉以疲民有事則驛騷以戕民寇

梳兵櫛之謠所繇起也詩曰有嚴有翼共武之服
誠得其人以馭之則十二城之技擊何必不甲於
天下哉

崇禎庚辰兵燹燹而由歸縣前替又於倉墓而軍

吳井五百谷 其難辨有奉新吳士上金其

輸銀營千餘六員 晉南宛縣前營每八營

總兵三百二十谷 萬曆末年始營

總管一員 崇禎

歷城縣志卷九止



